



清刻龍藏佛說法變相圖

般若波羅蜜多心經

唐三藏法師玄奘奉 詔譯

觀自在菩薩行深般若波羅蜜多時。照見五
 蘊皆空。度一切苦厄。舍利子。色不異空。空不
 異色。色即是空。空即是色。受想行識亦復如
 是。舍利子。是諸法空相。不生不滅。不垢不淨。
 不增不減。是故空中無色。無受想行識。無眼
 耳鼻舌身意。無色聲香味觸法。無眼界。乃至
 無意識界。無無明。亦無無明盡。乃至無老死。
 亦無老死盡。無苦集滅道。無智亦無得。以無
 所得。故菩提薩埵。依般若波羅蜜多。故心無
 罣礙。無罣礙。故無有恐怖。遠離顛倒夢想。究
 竟涅槃。三世諸佛。依般若波羅蜜多。故得阿
 耨多羅三藐三菩提。故知般若波羅蜜多。是
 大神呪。是大明呪。是無上呪。是無等等呪。能

除一切苦。真實不虛。故說般若波羅蜜多呪。

即說呪曰。

揭諦揭諦。波羅揭諦。波羅僧揭諦。

菩提薩婆訶。

般若波羅蜜多心經

音釋

實相般若波羅蜜經

瑜伽 梵語也。此云相應。瑜羊朱切。 繒蓋 繒蓋以帛為蓋也。

也。鐸 連各切。 唵 胡暗切。 唵 烏感切。 憾 胡紺切。 唵 胡紺切。

一 音許。 怛 盧切。 阿 於何切。 阿 烏何切。 嚩 盧切。 頤 盧切。

唎 胡結切。 依怙 怙音戶。依恃也。 驪 毗召切。